



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LVIII. De habitatione egredientium ex Congreg. Hispaniæ Fratrum Eremit.
Discalc. S. Aug.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

firmatoria cujusdam Decreti Congregationis tunc existentium S. R. Ecl. Cardinalium Sacris Ritibus prapostorum, per quas dispositum reperitur precedentiam Fratibus supradictae Provinciae non solum in Processionibus solis, etiam sub propria Cruce, sed etiam in Concionibus, disputationibus, concurrentia Praelatorum, aliisque actibus tam publicis, quam privatis interveniente, vel non interveniente familia de Observantia supra Fratres Provinciae Sanctiss. Nominis JESU Ordinis Eremitarum S. Augustini competere; Et subinde nos praedictas Innocentii Praedecessoris literas per alias nostras pariter in simili forma Brevis die 24. Novembris 1702. expeditas literas confirmaverimus; ipse vero Josephus, ut dicto Juri praecedendi primordiae Provinciae, sicut praemittitur competenti a te, seu tunc existente illius Ministro Provinciali sine totius Provinciae consensu renunciari nequeat per nos decerni plurimum desideret. Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignemur.

Preces Procuratoris Provinciae Hispaniarum.

§. 1. Nos igitur ipsum Iidorum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. Ecclesiae Cardinalium negotiis, & consultationibus Episcoporum, & Regularium praepostorum, qui dilectum etiam Filium modernum Procuratorem Generalem dicti Ordinis super praemissis audiverunt, consilio, tibi, & pro tempore existenti Ministro Provinciali dictae Provinciae committimus, & injungimus, ut sine consensu Patrum Diffinitorii, & Discretorii Juri praecedentiae, de quo agitur, renunciare nequeas; Salva tamen semper in praemissis auctoritate Congregationis eorumdem Cardinalium.

Mandatum praed. Ministro Provinciali factum.

Clausula.

§. 2. Non obstantibus Constitutionibus, & Ordinationibus Apostolicis, necnon quatenus opus sit dicti Ordinis, & Provinciae S. Didaci, etiam Juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud S. Petrum sub Anno Piscatoris die XII. Decembris MDCCV. Pontificatus nostri Anno Sexto.

LVIII.

Prohibetur, ne Fratres Eremitae S. Augustini Discalc. Congregationis Hispaniae alteri Religioni adscripi habitent in ea Provincia, in qua priorem habitum gestaverint.

Const. ed. 1702. Nov. 24. Pont. 3. extat prohibitio ne duo consanguinei, vel affines in Capitulis suffragantur. Et Bened. XIII. Const. ed. 1706. Jan. 22. Pont. 1. praecipitur uniformitas in cantu, barba, & Caputio Congregationis Discalceatorum.

CLEMENS PAPA XI.

Ad futuram rei memoriam.

Sacrofancti Apostolatus sollicitudo, quam merito, licet, & viribus longe impares, auctore Deo gerimus, Nos admonet, ut conservandae Religiosorum Virorum, qui e fluctibus seculi in Regularis vitae portum confugerunt, assumptoque suavi Christi jugo Altissimi obsequiis se se devoverunt, ac uberes bonorum operum fructus per Dei gratiam proferre jugiter fatagunt, existimationi, quantum Nobis ex alto conceditur, fatagamus.

Exordium.

§. 1. Exponi siquidem Nobis nuper fecit dilectus filius modernus Vicarius Generalis Congregationis Hispaniae Fratrum Ordinis Eremitarum S. Augustini Discalceatorum nuncupatorum, quod nonnulli e dicta Congregatione ad alias Religiones etiam laxiores transeundi licentiam ab hac Sancta Sede variis praetextibus obtinere curant, & eaque obtenta in illis habitum Regularem assumunt, nec non ad eas Provincias, in quibus habitum praedictae Congregationis Fratrum Discalceatorum publice gestaverant, ac cogniti, & commorati fuerant, illuc habiturum se conferunt; & ad detegendas, seu defendendas proprias imperfectiones ejusdem Congregationis Fratrum Discalceatorum, illiusque superiorum famam multis imposturis, & derisionibus lacerare non verentur, cum gravi Secularium scandalo, bonique nominis dictae Congregationis detrimento. Quare idem Vicarius Generalis Nobis humiliter supplicari fecit, ut in praemissis opportune providere, & ut infra indulgere de benignitate Apostolica dignemur.

Causa d. Prohibitionis.

XII

Preces Vicarii Generalis Congregationis.

§. 2. Nos igitur ipsius Vicarii generalis votis favorabiliter, quantum cum Domino possumus annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepostorum consilio, ne de caetero quisquam, qui e memorata Congregatione Hispaniae Fratrum Ordinis Eremitarum S. Augustini Discalceatorum post emissam in illa professionem regularem, ad aliam quamcumque Religionem quomodolibet transierit in ea Provincia, in qua Professionem hujusmodi emisit, ac habitum Fratrum ejusdem Congregationis Discalceatorum Hispaniae publice gestaverint, habitare, seu commorari audeat quovis modo, vel praesumat, auctoritate Apostolica tenore praesentium prohibemus, & interdicimus, salva tamen semper in praemissis auctoritate Congregationis eorumdem Cardinalium.

Prohibitio, ne dd. Fratres commorentur in eadem Provincia.

Clausula.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quancumque spectabit inviolabiliter observari: sicque in praemissis per quoscumque Judices ordinarios, & delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon quorumvis Ordinum, Congregationum, & Institutorum Regularium, etiam juramento, confirmatione Apostolica, vel quavis firmitate alia robo-

ratis

ratis statutis, & Consuetudinibus; privilegiis quoque, indultis, & literis Apostolicis in contrarium pramissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes, illis alias in suo robore permanens ad pramissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem presentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides ubique locorum tam in iudicio, quam extra illud habeatur, quae ipsis presentibus haberetur, si forent exhibitae, vel ostensae.

Datum Romae apud Sanctum Petrum sub Anno Piscat. die XVI. Decembris MDCCV. Pontificatus Nostri Anno Sexto.

LIX.

Confirmatur Decretum Congregationis Rituum de cultu immemorabili, & casu excepto pro Beatis Teresa, & Sancia Regis Portugalliae filiabus Congregationis Alcobacen. Ordinis Cisterciens. Monialibus.

De cultu immemorabili B. Mariae de Capite vide Inn. XII. Const. ed. 1697. Aug. 11. P. 7. Et hujus Pontificis Const. ed. 1710. Mar. 26. P. 10. confirmatur cultus B. Luciae de Narnia.

CLEMENS PAPA XI.

Ad futuram rei memoriam.

Dat. 23. Dec. 1705. An. 6.

Exordium.

Solicitude Pastoralis Officii, quo Catholicae Ecclesiae per Universum Orbem diffusa regimini Divina dispositione praesidemus, Nos urget, atque compellit, ut Beatarum Christi ancillarum in Caelis cum eo regnantium cultum, & venerationem in terris promovere studeamus, sicut pia Regum, & Principum Orthodoxorum studia postulant, & Nos ad Omnipotentis Dei Gloriam, ad Ecclesiae decus, & praesidium, ac spiritualem Christianorum aedificationem, & consolationem expedire in Domino arbitramur.

Causa Beatificationis introducta fuit 1667. sedente Clem. IX.

§. 1. Cum itaque alias, videlicet die 4. Octobris 1667. a felic. recor. Clemente Papa IX. Praedecessore nostro Commissiones pro introductione causae, seu Causarum Beatificationis Beatarum Reginarum Teresa, & Sanciae Monialium Ordinis Cisterciens. clar. mem. Sancti Primi, dum vixit, Portugalliae Regis illustris natarum signatae, ac in illarum executionem die decima Decembris ejusdem anni, dicto Clemente Praedecessore annuente, literae remissoriae, attentio, quod Sedes Episcopalis Colymbrien. tunc vacabat, tunc existenti Episcopo Targen. Civitate Ulyssiponen. commoranti dirigenda pro constructione Processus particularis super cultu immemorabili praedictis Teresa, & Sanciae praestito, & casu excepto a decretis jussu rec. mem. Urbani Papae VIII. pariter Praedecessoris nostri editis, decreta fuerint, cum facultate, quod in una remissoriae ambae Commissiones includerentur. Literae vero hujusmodi, prout assertum fuerat, nunquam expeditae fuerint, ideoque ad effectum conficiendi praefatum Processum ad pias, enixasque preces Charissimi in Christo filii Nostri Petri Portugalliae, & Algarbiorum Regis Illustris, ac tunc in humanis agentis clar. mem. Mariae, dum vixit, Reginae ejus Uxoris, necnon dilecti filii nobilis Viri Cosmi Etruriae sibi subiectae Magni Ducis, accedentibus etiam in id ipsum supplicationibus nonnullorum Praelatorum Religiosorum, Tribunalium, Senatuum,

Precibus Regis & Reginae Portugalliae, aliorumque commissae fuit constructio Processus 1695. sedente Inn. XII.

Magistratum, & Academiarum Regni Portugalliae, ac ad iteratas humillimas instantias dilecti filii Bernardi de Castel Branco Monachi expresse professi, ac Procuratoris Generalis Congregationis Sanctae Mariae de Alcobatia Ordinis praefati, in Sacra Theologiae Magistri, Causae, seu Causarum Beatificationis, & Canonizationis hujusmodi Postulatoris, Nobis referentibus, qui tunc in minoribus constituto Cardinalatus honoreungebamur, ac in locum bon. memor. Sigismundi Chiffi, dum vixit, Sanctae Romanae Ecclesiae Cardinalis Sigismundi nuncupati Causae, seu Causarum hujusmodi Relatoris, subrogati fueramus, exhibitis prius per dictum Bernardum Postulatorem binis Processibus in Colymbrien., seu Ulyssiponen. Civitatibus, postquam Sedes Apostolica in Causa, seu Causis praefatis manus apposerat, nulliter constructis, die 17. Septembris 1695. a Congregatione tunc existentium Sanctae Romanae Ecclesiae Cardinalium Sacris Ritibus Praepositorum novae Remissoriae, seu Compulsoriae literae tunc pariter existentibus Archiepiscopo Ulyssiponen., & Episcopo Colymbrien., eorumque Vicariis in spiritualibus Generalibus dirigenda, annuente etiam die 25. ejusdem Mensis Septembris pie memoriae Innocentio Papa XII. itidem Praedecessore nostro, concessae fuerint, illarumque vigore Processus praedictus constructus, ac in actis memoratae Congregationis Cardinalium exhibetur, servatque servandis apertus fuerit; demum vero, eodem Bernardo Postulatore instante, proposito dubio in praedicta Congregatione Cardinalium per dilectum filium nostrum Carolum dictae Sanctae Romanae Ecclesiae Diaconum Cardinalem Bichium nuncupatum, qui in Relatorem Causae, seu Causarum praedictarum in locum nostrum a Nobis subrogatus fuerat - An constaret de cultu immemorabili Beatae Teresa, & Sanciae supra dictis praestito, & casu excepto a dictis Decretis Urbani Praedecessoris, & an sententia desuper lata a memorato Episcopo Colymbrien. Judice Delegato, esset confirmanda in casu, & ad effectum, de quo agebatur. Dicta Congregatio Cardinalium, audito tam in scriptis, quam in voce Venerabili Fratre Prospero Archiepiscopo Miren. Promotore Fidei de ejusmodi cultu immemorabili, & casu excepto, constare censuerit: Hinc est, quod Nos piis, ac devotis ejusdem Petri Regis, ac totius Congregationis de Alcobatia hujusmodi, necnon dilectarum in Christo filiarum Abbatissae, & Monialium Monasterii Lorvanienfis supplicationibus Nobis super hoc humiliter porrectis favorabiliter annuere cupientes, ac praefatarum Abbatissae, & Monialium singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris & poenis a Jure, vel ab homine quavis occasione, vel causa latis, si quibus quomodolibet innodatae existunt, ad effectum presentium dumtaxat consequendum, harum serie absolventes, & absolutas fore censentes, Decretum a praefata Cardinalium Congregatione editum, ut praefertur, quod scilicet de cultu immemorabili eisdem Beatae Teresa, & Sanciae praestito, & casu excepto a Decretis ejusdem Urbani Praedecessoris, constet, Apostolica auctoritate tenore presentium confirmamus, & approbamus, illique inviolabilis Apostolicae firmitatis robur adjicimus, salva tamen semper in praemissis auctoritate praedictae Congregationis Cardinalium.

Decretum fuit a Congregatione Rituum constructae de cultu, & casu excepto.

Preces Regis Portugalliae, Congregationis de Alcobatia, & Monialium Monasterii Lorvanienfis.

Confirmatio Decreti praed. Congregationis.

Clausula.

§. 2. Decernentes eandem praesentes literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum, plenissime suffragari, & ab eis respective inviolabiliter observari: sicque in praemissis per quoscumque Judices Ordinarios, &

Delegatos,